

móhli tych, kotřiž su w kotrejžkuli čěsnosći, z pokojom, z kotrymž smy tež sami pokojeni wot Boha;*

5. Přetož kaž su ćerpjenja Khrystusowe nadobne nad nami, tak je přez Khrystusa nadobne tež naše pokojenje.*

6. Njeh pak smy čěsnjeni, (stawa so to) za waše pozbudženje a wozboženje, abo njeh smy pokojeni, (stawa so to) za waše pokojenje, abo njeh smy pozbudženi, (stawa so to) za waše pozbudženje a wozboženje,* kotrež skutkuje sćerpnosć w tych samych ćerpjenjach,** kotrež tež my ćerpimy,

7. Zo by naša nadžija wobtwjerdžena byla was dla, dokelž wěmy, zo budžeće, kaž sće towaršowje ćerpjenjow, tak tež pokojjenja.

8. Přetož nohcemy, zo byšće njewědzeli, bratřa, wo našej čěsnosći, kotraž bu nam činjena w Asiji, dokelž buchmy přez měru wobćeženi, přez zamoženje,* tak zo běchmy tež žiwjenja syći.

9. Ale sami smy we sebi wuprajenje smjerće měli,* zo bychmy sami na sebje so njedowěrili, ale na Boha, kiž mrtwych zbudža:

10. Kotryž nas z tak wulkich strachow

wumóži a wumóža, na kotrehož so nadžijemy, zo tež hišće wumóže,

11. Dokelž tež wy pomhaće w modlitwje za nas, zo by za dar, mnohich wosobow dla nam darjeny, přez mnohich so tež džak prajił za nas.*

12. Přetož naša khwala je w tom: swědčenje našeho swědomja, zo smy we wěrniosći wutroby a čistosći Božej,* nic w mjasnej mudrosći, ale w milosći Božej khodžili w tomle swěće, wosebiće pak mjez wami.

13. Přetož druhe wam njepišemy, jako štož čitašće a spóznašće.* Nadžiju pak so, zo hač do kónca spóznašće, —

14. Jakož nas tež z džěla spóznašće, zo smy waša khwala, jakož tež wy naša, na dnju našeho Knjeza Jězusa Khrystusa.*

15. A z tutej dowěru cheych najprjedy k wam přińć, zo byšće druhu hnadu měli,*

16. A přez was přeńć do Macedonije, a zaso z Macedonije k wam přińć, a wot was so dowjesć dać do Judeje.

17. Hdyž potajkim to cheych, sym lohkomyslny byl? Abo štož sebi wotmysluju, sym sebi to po mjasu wotmyslił, jako by pola mje haj a ně zdobom bylo?*

4. Pokoj, kotryž dóstawamy w našich čěsnosćach, wudžělamy tež druhim, njeh su w kajkejžkuli čěsnosći, jich zahorjeje, zo bychu Bohu so dowěrili. — 5. Wjele ćerpimy, ale tež wjele pokoja dóstawamy wot Jězusa, tak zo so nad ćerpjenjemi radujemy. — 6. Hdyž pak ćerpimy abo hdyž so pokojimy, stawa so to, zo bychmy was w čěsnosćach pokojili a tak za waše wozboženje skutkowali. ** Sćerpne znjesenje ćerpjenjow wjedze k wozboženju, dokelž je zaslužbne. — 7. t. r. dokelž smy so my w swych ćerpjenjach pokojili, nadžijemy so, zo tež wy, kotřiž maće džěl na našich ćerpjenjach, pokojjenja namakaće. — 8. Japoštoł měni drje tudy přesčěhanja, kotrež bě zlótnik Demetrius w Efesu přećiwo njemu zbudžił; hlad. Jap. sk. 19, 23. — 9. t. r. my sami běchmy přeswědčeni, zo dyrbymy wumrěć, tak zo na čłowjekow wjacy njetwarjachmy, ale na Boha, kiž mrtwych zbudža a tohodla tež před smjerću zakitać móže. — 11. Čim krućišo so japoštoł nadžije, zo jeho Bóh zakita, dokelž nětko tež Korinthška wosada za njeho so modli, a tak budže za dar, kotryž bu přez modlitwu mnohich wosobow jemu wuprošeny, tež wot mnohich za njeho džak prajeny, štož je Bohu jara spodobne. — 12. t. r. čistosć, kotruž Bóh dawa a zdžeržuje, wosebje tež čiste wotpohladanja. — 13. Tule čistotu a wěrniosć zjewjamy tež w tomle lisće, dokelž pokazujemy so tudy, kaž w prjedawšich, kotrež čitašće, abo kaž nas z wobkhadžowanja spóznašće. — 14. Nadžiju so, zo dobre mēnjenje, kotrež měješće z najmjeńša z džěla wo nas, wobkhowaće, a přeco lěpje spóznašće, zo je za was česć, hdyž sym ja waš wučer, za mnje pak česć, zo sće wy wote mnje rozwučeni; tola nic jeno nětko, ale tež před sudnym stolom Božim budžemy sebi k slawje. — 15. Z tym, zo cheyš Pawoł ke Korinthskim přińć, by so jim hnada stała, dokelž bychu přez jeho přitomosć we wěrje wobkrućeni byli. — 17. t. r. hdyž cheych potajkim k wam přińć, a tola njepřińdžech, njebě to lohkomyslne, abo jeno po mojim wuzdaću, jako bych w tom samym wokamknjenju „haj“ a „ně“ prajił.